

ՎԻԿՏՈՐ ՀԱՄԱԶՍԱՍՊԻ ՀԱՄԲԱՐՁՈՒՄՅԱՆ

(Մեկնության հիսնամյակի առթիվ)

Սովետական Միությունում, իսկ մի շարք դեպքերում նաև ամբողջ աշխարհում, տեսական աստրոֆիզիկայի և աստղագիտության բուն զարգացումը անխզելիորեն կապված է Վ. Հ. Համբարձումյանի անվան հետ: Վ. Հ. Համբարձումյանի ուսումնասիրությունները վերաբերում են ժամանակակից գիտության հանգուցային հարցերին և նպաստել են նրա բարգավաճմանը: Գիտության ամենաբազմազան բաժիններն (տեսական և գործնական աստրոֆիզիկա, աստղագիտություն, աստղային զինամիկա, տեսական ֆիզիկա, մաթեմատիկական ֆիզիկայի հավասարումներ և այլն) ընդգրկող այդ ուսումնասիրությունները սկիզբ դրեցին գիտության մեջ նոր ուղղությունների, որոնք հետագայում բեղմնավոր զարգացում ունեցան իր՝ Վ. Հ. Համբարձումյանի ու Սովետական Միությունում և վերջինիս սահմաններից դուրս նրա բազմաթիվ հետևորդների աշխատանքներում: Վ. Հ. Համբարձումյանի գիտական հետաքրքրությունների շրջանը նրա աշխատանքներում ներդաշնակորեն զուգարկվում է խոր մտածողության հետ: Այդ աշխատանքներում զրահորվում է քննարկվող հարցի բուն էությունը մոտենալու, այն սլաքվեցնելու և նրա առավել պարզ ու գեղեցիկ լուծումը գտնելու դարմանալի վարպետությունը:

Վ. Հ. Համբարձումյանն առանձնապես աչքի ընկնող տեղ է զրավում ժամանակակից աստղագիտության ապարելում: Նրա «Տեսական աստրոֆիզիկա» աշխատությունը՝ առաջին հոսերեն ձևակերպող, հանդիսացավ ժամանակակից տեսական աստրոֆիզիկայի հանրագիտարան և դաստիարակեց երիտասարդ աստրոֆիզիկոսների մի քանի սերունդներ:

Վ. Հ. Համբարձումյանի գիտական գործունեությունն սկսվել է դեռևս Լենինգրադի համալսարանում, որը նա ավարտել է 1928 թվականին: Ուսանողության տարիներին նա ստագրում է մոտ տասը անուն գիտական աշխատություններ: Ասպիրանտուրայում եղած ժամանակ Վ. Հ. Համբարձումյանն զբաղվում է ինչպես աստղագիտությամբ, այնպես էլ մաթեմատիկայով ու տեսական ֆիզիկայով: Այդ տարիների նրա ուսումնասիրությունների արդյունքը հանդիսացան, մասնավորապես, «Սևիական արժեքների տեսության մի հարցի մասին» աշխատությունը և տեսական ֆիզիկային նվիրված մի շարք աշխատություններ:

1932 թվականին Վ. Հ. Համբարձումյանը հրապարակեց «Մոլորակաձև միզամածության ճառագայթային հավասարակշռությունը», որին հաջորդեցին էներգիայի, զրգուի փոխանցման, ատոմների իոնացման, գազային միզամածություններում «արգելված» գծերի ճառագայթման և այլ հարցերին նվիրված մի շարք ուսումնասիրություններ:

Հետագայում Վ. Հ. Համբարձումյանն զբաղվում է աստղագիտության և կոսմոգոնիայի հարցերով, որտեղ նա քննության է առնում աստղային սիստեմ-

ների պրոբլեմը: Այդ ուսումնասիրությունները փոխեցին զալակտիկաների հասակի մասին գոյություն ունեցող պատկերացումները:

Աստղային ասոցիացիաների աեսությունը կիրառում գտավ սովետական և արտասահմանյան գիտնականների այն բազմաթիվ աշխատություններում, որոնք նվիրված են աստղային կոսմոգոնիային և Գալակտիկայի հետազոտությանը:

Հետագա տարիների ընթացքում Վ. Հ. Համբարձումյանի կատարած աշխատանքները հիմնականում նվիրված են արտաքին զալակտիկաների ուսումնասիրությանը: Նա հանդել է այն հիմնական եզրակացությունը, որ զալակտիկաների ծագումը խմբային բնույթ ունի:

Վ. Հ. Համբարձումյանն սկսել է պատվել նաև ռադիոզալակտիկաների՝ աստրոֆիզիկայում նոր հարցերով և այս բնագավառում ստացել է շատ ինքնատիպ արդյունքներ:

Վ. Հ. Համբարձումյանի գիտական ծառայությունները համընդհանուր ճանաչում են վայելում ամբողջ աշխարհում և արժանացել են բարձր գնահատման: Նա երեք անգամ պարգևատրվել է ՍՍՌՄ-ի շքանշաններով, երկու անգամ նրան շնորհվել է Ստալինյան մրցանակ: 1939 թվականին նա ընտրվել է ՍՍՌՄ Գիտությունների ակադեմիայի թղթակից անդամ, իսկ 1953 թվականին՝ նրա իսկական անդամ: Վ. Հ. Համբարձումյանն ընտրվել է նաև արտասահմանյան մի շարք ակադեմիաների և գիտական ընկերությունների անդամ: Նա Ավստրիայի Գիտությունների ակադեմիայի, Գերմանիայի Գիտությունների ակադեմիայի (Բեռլինում), Բելգիայի Խաղաղության գիտական ընկերության (Լիեժում) թղթակից անդամ է, Ամերիկայի Արվեստների և գիտությունների ակադեմիայի (Բոստոնում) արտասահմանյան պատվավոր անդամ է, Անգլիական խաղաղության աստղագիտական ընկերության և Ամերիկյան աստղագիտական ընկերության պատվավոր անդամ: Գիտական ծառայությունների համար 1956 թվականին նրան շնորհվել է Ֆրանսիական աստղագիտական ընկերության՝ Ժանսենի անվան մեդալ: 1948 թվականից մինչև 1955 թվականը Վ. Համբարձումյանը եղել է Միջազգային աստղագիտական միության վիցե-պրեզիդենտ:

Վ. Հ. Համբարձումյանը, գիտական ու կազմակերպչական հարցերով խիստ ծանրաբեռնված լինելով հանդերձ, շարունակում է վարել երևանի պետական համալսարանում աստրոֆիզիկայի ամբիոնը: Տաղանդավոր գիտնականների երիտասարդ սերնդի նկատմամբ ցուցաբերած իր համբերատար ու հոգատար վերաբերմունքով նա նվաճել է երիտասարդության սերն ու հարգանքը:

Վ. Հ. Համբարձումյանը դիտա-մանկավարժական աշխատանքը հաջող կերպով համատեղում է գիտա-ղեկավար և հասարակական աշխատանքի հետ: Մի շարք տարիների ընթացքում Լենինգրադի համալսարանում նա եղել է Աստղագիտության դիրեկտոր և գիտական մասի գծով պրոռեկտոր: 1943 թվականից նա վարել է Հայկական ՍՍՌ Գիտությունների ակադեմիայի առաջին վիցե-պրեզիդենտի պաշտոնը, իսկ 1947 թվականից սկսած նրա պրեզիդենտն է, Բյուրակյանի աստղագիտարանը հիմնավորելու օրվանից՝ նրա անփոփոխ դիրեկտորը:

Պետք է առանձնապես նշել Հայկական ՍՍՌ Գիտությունների ակադեմիայի պրեզիդենտի պոստում նրա աչքի ընկնող դերը ֆիզիկա-մաթեմատիկական գիտությունների զարգացման, բնական ու տեխնիկական գիտությունների աս-

պարեզում աշխատանքների մակարդակի խիստ բարձրացման, Ակադեմիայում, նոր, ժամանակակից էլեկտրոնիկայի ու ավտոմատիկայի հետ կապված ուղղութիւնների ստեղծման գործում:

Չի կարելի չնշել նաև Վ. Հ. Համբարձումյանի դերը մեզ մոտ՝ Ակադեմիայում բիոլոգիական գիտությունների տարբեր ուղղությունների զարգացման գործում:

Բիոլոգիական գիտությունների զոյություն ունեցող ուղղությունների (նուրբ օրգանական քիմիա, ֆիզիոլոգիա, միկրոբիոլոգիա, բուսաբանություն, կենդանաբանություն, գենետիկա, սոցիոքիմիա, հիդրոբիոլոգիա) զարգացման ու ընդլայնման հետ մեկտեղ, վերջին ժամանակներս Վ. Հ. Համբարձումյանն օգնեց բիոլոգիական գիտությունների բաժանմունքում ստեղծելու և կազմակերպելու նոր ուղղություններ՝ բիոքիմիա և սաղիոբիոլոգիա: Նա մեծ ուշադրություն է նվիրում գիտական կադրերի աճման, լաբորատորիաները նորագույն գիտական սարքավորումներով հագեցնելու գործին:

1947 թվականին Վ. Հ. Համբարձումյանն ընտրվել է Հայկական ՍՍՌ Գերագույն Սովետի անդամ, իսկ 1953 թվականից նա ՍՍՌՄ Գերագույն Սովետի անդամ է: Վ. Հ. Համբարձումյանը Հայաստանի Կոմունիստական պարտիայի կենտրոնական Կոմիտեի անդամ է 1948 թվականից:

ՍՍՌՄ Գերագույն Սովետի Նախագահության Հրամանագրով, ծննդյան 50 տարին լրանալու կապակցությամբ, գիտական և հասարակական աշխի ընկնող գործունեության համար Վ. Հ. Համբարձումյանը կրկնակի պարգևատրվել է Լենինի շքանշանով: Մինչ այդ նա պարգևատրվել է նաև Աշխատանքային Կարմիր Դրոշի երկու շքանշանով և մեդալներով: Կրկնակի արժանացել է Ստալինյան մրցանակի:

Իր ծննդյան հիսնամյակը Վ. Հ. Համբարձումյանը դիմափորում է ստեղծագործական ուժերի ծաղկման շրջանում: